

# Kaji selidik dapati penarafan kelulusan Anwar meningkat

## Rakyat yakin terhadap Kerajaan Perpaduan bawa hala tuju negara ke arah lebih baik

Oleh Mahani Ishak  
mahani@bh.com.my

**Kuala Lumpur:** Hasil kaji selidik yang mendapati penarafan atau 'rating' kelulusan Perdana Menteri, Datuk Seri Anwar Ibrahim meningkat pada tahun kedua pentadbiran Kerajaan MADANI, menunjukkan ada keyakinan rakyat terhadap kerajaan dalam membawa hala tuju negara ke arah yang lebih baik.

Pensyarah Kanan Pusat Pengajian Ekonomi, Kewangan dan Perbankan (SEFB) Universiti Utara Malaysia (UUM), Prof Madya Dr Irwan Shah Zainal Abidin, berkata nilai pelaburan dan perdagangan negara mencatatkan prestasi agak baik selama dua tahun pentadbiran Kerajaan Perpaduan.

Melangkah ke hadapan, beliau berpandangan, kerajaan perlu memberi tumpuan kepada aspek ekonomi yang kekal menjadi cabaran utama untuk membawa negara ke arah lebih baik, selain isu kos sara hidup penduduk yang masih lagi menjadi kekusaran

utama rakyat teramai.

"Hakikatnya, ekonomi Malaysia ketika ini sedang mengalami fasa pemulihan berbentuk 'K', di mana momentum pertumbuhan serta pelaburan ekonomi mula meningkat, namun kesannya masih belum dirasakan rakyat, terutama golongan B80 dan juga golongan rentan," katanya kepada *BH*, semalam.

Kelmarin, Merdeka Center mengeluarkan laporan berkaitan pencapaian Anwar dan prestasi kerajaan MADANI melalui kaji selidik yang dilaksanakannya awal bulan ini yang mendapati pengundi secara umumnya berpuas hati dengan prestasi Perdana Menteri.

Kepuasan itu merentasi beberapa bidang, termasuk dalam menarik pelaburan, meningkatkan imej negara dan meningkatkan perkhidmatan awam, tetapi memberikan penilaian bercampur terhadap usaha memperkuatkan ekonomi.

Organisasi bebas yang memberi tumpuan kepada penyelidikan mendapat awam dan analisis sosioekonomi itu turut merumuskan, pada masa ini, 51 pe-



Irwan Shah



Kartini

ratus daripada responden memberikan rating kelulusan kepada Kerajaan Persekutuan berbanding 46 peratus pada November 2023.

Irwan Shah berkata, usaha intervensi untuk memperkasakan kuasa beli rakyat perlu ditingkatkan seperti reformasi perlindungan sosial yang menyeluruh, selain pengukuhan sekuriti makanan serta cabaran kecerdasan buatan (AI) kepada alam pekerjaan.

"Kerajaan juga perlu cari mekanisme terbaik dalam pelaksanaan program konsolidasi fiskal seperti penyasaran semula subsidi RON95 dan klasifikasi kepada golongan T15 supaya me-

reka yang terbeban dengan kos sara hidup tinggi tidak lagi dibebankan dengan penarikan subsidi dan bantuan yang diberikan kerajaan sebelum ini," katanya.

### Atasi kebimbangan rakyat

Sementara itu, penganalisis politik dari Universiti Kebangsaan Malaysia (UKM), Prof Dr Kartini Aboo Talib@Khalid, berkata berdasarkan kaji selidik dijalankan antara 27 November hingga 10 Disember lalu yang membabit-

kan 1,207 pengundi berdaftar itu, kerajaan perlu mencari jalan mengatasi kebimbangan disuarakan rakyat.

"Masih ada peningkatan dalam penilaian kelulusan Perdana Menteri dan kerajaan, tetapi realitinya terdapat kebimbangan mengenai isu ekonomi dan kos sara hidup yang mana kedua elemen itu masih mendominasi pandangan pengundi.

"Isu ekonomi kekal sebagai kebimbangan utama pengundi dengan 65 peratus menyatakan ia masalah utama dihadapi negara walaupun angka itu turun daripada 74 peratus berbanding penilaian pencapaian Kerajaan MADANI setahun lalu.

"Anwar memiliki visi yang baik dan rekod sebagai tokoh reformasi, tetapi seperti semua pemimpin lain, keberhasilan pencapaian harus dinilai dalam konteks cabaran dihadapi dan realiti yang dicapai," katanya yang juga Timbalan Pengarah Institut Kajian Etnik (KITA) UKM.

Menurutnya, penilaian makna 'bagus' adalah sangat subjektif dan mungkin bergantung kepada kaedah pelaksanaan dasar-dasar yang diketengahkan Perdana Menteri yang tidak dapat dipisahkan sama ada ia memenuhi harapan pengundi atau sebaliknya.

"Kerana latar belakang Anwar sebagai ikon reformasi, harapan penyokong terhadap beliau sangat tinggi yang ada kalanya sukar dipenuhi dalam waktu singkat," katanya.